

AKHBAR : BULETIN TV3

MUKA SURAT : ONLINE

TARIKH : 01 MAC 2023

HARI : RABU

SENTIMEN : POSITIF

**BULETIN**

UTAMA

TERKINI

NASIONAL

MAHKAMAH

POLITIK

JENAYAH

SUKAN

LUAR NEGARA

DETIK NIAGA

BELANJAWAN 2023

**TUMPUAN** : h 12,000 orang, 130 PPS dibuka | Mangsa banjir di 6 negeri kini lebih 19,000 orang, 197 PPS dibuka | Banjir di Johor makin buruk, mangsa melebihi 10,000 | Lelaki

## Insentif diskaun dan penangguhan bayaran balik pinjaman PTPTN mulai hari ini



KUALA LUMPUR: Pelaksanaan diskaun bayaran balik pinjaman Perbadanan Tabung Pendidikan Tinggi Nasional (PTPTN) sehingga 20 peratus yang berkuat kuasa mulai hari ini membabitkan empat kategori termasuk diskaun 20 peratus atas baki hutang untuk penyelesaian penuh pinjaman.

Selain itu, PTPTN dalam satu kenyataan hari ini turut memaklumkan diskaun sebanyak 15 peratus untuk penyelesaian sekurang-kurangnya 50 peratus daripada keseluruhan baki hutang.

Katanya, pemberian diskaun 15 peratus untuk bayaran balik melalui potongan gaji atau debitterus (Direct Debit) mengikut jadual bayaran balik juga diberikan kepada peminjam serta diskaun lima peratus untuk bayaran balik melalui aplikasi myPTPTN.

“Semua peminjam PTPTN termasuk yang dikenakan tindakan penguatkuasaan dan penerima wang pendahuluan pinjaman (WPP) layak menikmati insentif ini.

Sementara itu, PTPTN memaklumkan, bagi peminjam yang ingin membuat penyelesaian penuh pinjaman atau sekurang-kurangnya 50 peratus daripada baki hutang perlu membuat pengesahan baki pinjaman melalui aplikasi myPTPTN atau portal rasmi PTPTN di [www.ptptn.gov.my](http://www.ptptn.gov.my) atau

menghubungi Eksekutif Pemasaran PTPTN sebelum membuat bayaran balik melalui saluran bayaran yang disediakan.

Peminjam yang sedang membuat bayaran balik melalui potongan gaji atau Debit Terus (Direct Debit) layak mendapat diskaun 15 peratus secara automatik.

“Peminjam yang ingin membuat potongan gaji atau Debit Terus (Direct Debit) pula boleh membuat permohonan melalui aplikasi myPTPTN atau portal rasmi PTPTN di [www.ptptn.gov.my](http://www.ptptn.gov.my).”

“Peminjam boleh memilih salah satu atau kedua-dua saluran untuk menikmati insentif ini,” katanya menurut kenyataan itu.

Selain itu, diskaun lima peratus juga diberikan bagi bayaran balik yang dibuat melalui aplikasi myPTPTN.

“Peminjam boleh memuat turun aplikasi myPTPTN melalui “App Store” bagi pengguna iOS, “Play Store” bagi pengguna Android dan “Huawei AppGallery” untuk pengguna Huawei.”

“Peminjam PTPTN hanya perlu melalui proses aturan keselamatan yang mudah dan seterusnya dapat menggunakan aplikasi ini dengan cepat dan selamat.

Bagi kemudahan pelaksanaan penangguhan bayaran balik pula, PTPTN memaklumkan semua peminjam yang dalam tempoh membayar balik dan mempunyai pendapatan bulanan RM1,800 (gaji kasar) ke bawah layak memohon penangguhan kecuali peminjam yang menyertai Debt Management Programme (DMP) di bawah Agensi Kaunseling dan Pengurusan Kredit (AKPK) bagi pinjaman PTPTN.

Permohonan penangguhan boleh dibuat mulai hari ini melalui portal rasmi PTPTN di [www.ptptn.gov.my](http://www.ptptn.gov.my).

Peminjam perlu melengkapkan maklumat perhubungan, maklumat pekerjaan, memuat naik dokumen pendapatan bulanan terkini dan membuat perakuan kebenaran ke atas maklumat yang diberikan.

“PTPTN akan memaklumkan status kelulusan melalui e-mel yang dikemaskini semasa peminjam membuat permohonan dalam tempoh 14 hari bekerja selepas permohonan diterima.

“Peminjam yang diluluskan penangguhan, akan dikecualikan daripada tindakan penguatkuasaan dan perundangan sepanjang tempoh penangguhan bayaran balik berkuatkuasa,” katanya.

“Kos pentadbiran atau ujud juga tidak dikenakan sepanjang tempoh penangguhan diberikan,” katanya.

PTPTN menyifatkan insentif yang diberikan kepada peminjam PTPTN menunjukkan komitmen kerajaan dalam menyokong usaha PTPTN sebagai agensi di bawah Kementerian Pendidikan Tinggi (KPT) bagi memastikan kebajikan para peminjam dan kelestarian dana pinjaman pendidikan untuk generasi akan datang.

“PTPTN menyambut baik insentif yang diberikan kepada peminjam PTPTN melalui pembentangan Belanjawan 2023 oleh Perdana Menteri yang juga Menteri Kewangan Datuk Seri Anwar Ibrahim bertemakan ‘Membangun Malaysia MADANI’.

Untuk sebarang pertanyaan, peminjam boleh melayari portal rasmi PTPTN di [www.ptptn.gov.my](http://www.ptptn.gov.my) atau menghubungi PTPTN melalui saluran Careline PTPTN di 03-21933000 yang beroperasi Isnin hingga Jumaat dari jam 9 pagi hingga 5 petang.

<https://www.buletintv3.my/nasional/insentif-diskaun-dan-penangguhan-bayaran-balik-pinjaman-ptptn-mulai-hari-ini/>